

憨山大師法彙初集

(第九冊)

大老憨

學子山

綱道大

師

目德

年

決經譜

疑解疏

憨山大師法彙初集

憨山大師法彙初集

憨山大師年譜疏

香港佛經流通處印行

TREASURE SERMONS OF
MASTER HAN SHAN

憨山大師法彙初集 (全十冊)

第九冊

大學綱目決疑. 老子道德經解

憨山大師年譜疏

《非賣品》

藏印
版行
者及

佛曆式伍肆壹年(西曆一九九七)
歲次丁丑年十二月初八日
本師釋迦牟尼佛成道良辰敬印奉仝套廣結法緣
贈送處者者者
一、美國 美國 清涼山 沐恩弟子張永儉居士
二、美國 檀香山虛雲寺 美國 謝妙玉居士
三、中國廣東曲江南華禪寺
四、中國上海市玉佛禪寺
五、香港佛經流通處
香港北角英皇道三九〇號
亞洲大廈五樓C座
香港佛經流通處
香港佛經流通處

電話：二一五七〇一四三八
傳真：二一五七一一四三二
H.K. BUDDHIST BOOK DISTRIBUTOR
390 KING'S ROAD 4TH FLOOR
FLAT 7 "ASIA MANSION"
HONG KONG

景印憨山大師自敘年譜疏緣起

攷憨山大師自敘年譜疏，經收錄於憨山老人夢遊集中，惜闕疏語，閱者若不細心玩索，未易領略其中大義微言。福徵居士之疏，則覈實大事，闡揚微密，條分縷析，有所發明，爲讀者闢坦途，引登老人堂奧；酬師恩，惠後學，一疏兼併。是書初版，乃一九三四年上海佛學書局鉛字排印，距今五十餘載，未見重印，欲睹無從。詎料因緣會遇，客秋蒙上海鄭頌英老居士出示此疏，鄭重付囑景印流通，霖聞命敬受，欣喜若狂，不敢私秘，公諸佛友，輾轉傳閱，法味先嘗；隨覓廠商承印，務冀早日流通。各方風聞，競出淨資襄助，擬印二千冊款，崇朝畢集，重法情殷，大心足式；尤以伍翠霞居士之鼎力支持，慨捐鉅貲，衷誠讚歎於無已！原書附大師畫像，失之清癯，與魁梧肉身迥異，茲易采色肉身道影，供今時及千載後之讀者同瞻風範焉。霖不敏無文，勉述其顛末耳！

乙丑仲秋

優婆塞

何澤霖謹識

憨山大師法彙初集

第九冊

一、大學決疑

二、觀老莊影響論

三、老子道德經解

四、憨山大師年譜疏

慈山大師像讚

寰中遊化夢中嬉
寫出慈雲寄道思
王難當前權避世
婆心啟後勉留詞
淵源西竺千鈞繫
寥落南華一柱支
手擘禪花勞想像
燈燈同燭有餘師
佛曆二千九百六十一年仲春既望大悲並書

崇禎御讚憨山老和尚法像

者老和尚。何等行狀。撐持法門。已作棟梁。受天子之鉗錘。爲佛祖之標榜。

御書第十七代朱由檢題讚

用墨奉供大內
九達菩薩院中。

康僧會尊者像讚并序寄憨山大師

釋真可紫柏

三國爲英雄之聚。亦刀兵之聚。慈悲般若。無有入處。而康祖一錫浮江。三稱如來。兩目流血。舍利投瓶。光燦六合。澤縣千古。是時也。吳之君臣。莫不爲之動心變色。卽事徵理。知有佛而不疑。六度既譯。安般門開。無擇黑白。得法眼淨。與夫禪思入微者。不可計算。皆我祖爲之嚆矢也。茲憨山清大師。因弘法成瘴海。善以慈心三昧。普使朽骨生春。聖華居士。聞風感慕。特寫祖影。寄上曹溪。以爲大師影響。嗚呼。曹溪肉佛所現。自唐及宋。飲曹溪而得道者。代不乏人。邇來曹溪涸矣。瑤林蕭然。又藉憨師以謫戍爲波瀾。而曹溪復活。康祖分身。觸髓眼開。恆沙難喻。豈可以有思惟心測其功德淺深者哉。達觀道人。不解逆風把柁。但解順水推舟。爲之讚曰。

康祖來吳。清公謫粵。鬻體大師。金剛眼突。瘴海之慘。骨刺魂驚。大師得戍。彌感聖明。曹溪蠱毒。飲者皆喪。大師飲之。銷盡諸瘴。指撮舍利。康祖之貪。貪不爲我。此心何慙。弘法得罪。命如絲單。千里瘴嶺。芒鞋蹋徧。雷道岿峩。颶風正高。鉢瓶孤逝。舌相昭昭。南粵烟燼。白日鼓掌。我若無心。菩薩影響。有心應之。康祖愚癡。章甫適越。其誰不疑。石頭之別。肝膈冰冷。丁生吹火。寫康祖影。緣影得心。心亡性冥。大用無常。鐘以眼聽。根塵主客。收放夢醒。掌擎寶塔。牢山之頂。達大師。借康祖像讚愁祖。義愈真。像題蹟在五乳峯法雲寺。

愁祖臨化自題曹溪影堂法像

威威堂堂。澄澄湛湛。不設城府。全無崖岸。氣蓋乾坤。目撐雲漢。流落今事門頭。不出威音那畔。無論爲俗爲僧。肩頭不離扁擔。若非佛祖奴郎。定是覺場小販。不入大冶紅鑪。誰知他是鐵漢。只待彌勒下生。方了者重公案。真蹟在曹溪愁山寺

愁翁法祖真容讚

釋智旭心嗣法孫

偉貌豐神。堅勇大勢。空定凝神。光明初霽。憂在法門。禍福寧計。掣電奔雷。德山臨濟。

密用潛行。園中海際。知之者。謂是隻手擎天。不知者。謂是英雄蓋世。誰思其必處於非宗非教。卽教卽宗之間。終不與時流同逝。旭法師。號素華。徵成譜疏時。怡聽說楞嚴玄義於康居方丈。

憨山本師法像讚

皈依弟子 福徵 譚貞默 掃庭

維我憨山肉祖本師大和尚。在燕則爲慈壽宗師。在粵則爲曹溪嗣祖。肉身鼎峙。貝葉燈輝。近代出頭禪和。那堪彷彿萬一。然日月雙跌。光明莫大。而風塵隻眼。晦蝕難開。自非履歷昭垂。誰識乾坤函蓋。海虞宗伯銘五乳。未免傳聞異辭。紫竹門徒傳中興。尙欠追隨親炙。梅檀被體。離塔何銘。年譜成書。爽符本傳。海庭險阻。遺道人不脛。郵飛。庾嶺神通。掃弟子拈香鐫布。伏讀永明智覺禪師宗鏡錄云。悟心成祖。先聖相傳。故達磨初祖云。明佛心宗。了無差悞。行解相應。名之曰祖。又偈云。亦不覩惡而生嫌。亦不觀善而勤措。亦不捨愚而近賢。亦不拋迷而就悟。達大道兮過量。通佛心兮出度。不與凡聖同躔。超然名之曰祖。徵得此語。正與本師寶林號祖之義。後先相印。兼與達師曹溪肉祖之讚彼此合符。因擬稱曹溪中興肉身嗣祖憨山宗師大和尚。

敬作法影讚曰。

現佛現祖。嫡宗嫡教。傳曹溪衣。寫楞伽照。龍門海印。清涼竅妙。歷劫肉身。一方雙到。清順治八年。歲次辛卯。三月三日。而年譜疏成。福徵謹識。

題憨山大師六詠手卷

民國十一年壬戌。李國松。以大師六詠手卷請題。因書此。乃列入文鈔。今特附於此。以表景仰之忱。釋印光和南識。

憨山大師。大權示現。宏法功深。忌者誣陷。謫戍廣州。以禦禍亂。幸有大吏。另眼相看。宏法曹溪。慧命續斷。相機說法。巨弊消散。護國安民。功高文憲。沒後肉身。不壞不變。粵贛相爭。歸曹溪畔。六祖七祖。彰諸時諺。增輝佛日。爲法城塹。著述宏博。日月光燦。大藏流通。惜祇少半。遺佚者多。時或出現。六詠妙偈。筆法遒健。文義超妙。愈讀愈煥。三百餘年。幸無殘欠。佛子契真。得諸滬店。欲表鴻猷。特作手卷。祈光題辭。以彰法範。遂爲略述大綱。以期後哲聞見。

憨山大師年譜疏排印流通序

民國二十三年歲次甲戌正月吉日付排。

孟子曰。窮則獨善其身。達則兼善天下。此約世間法論也。若約佛法論。達固可以兼善。窮亦可以兼善。嚴持戒律。敦篤倫常。以身率物。俾一切人相觀而善。待其欣欣向往之心。發則示之以三世因果。六道輪迴之理事。心本是佛。念佛往生。方可親證之。因緣。凡有心者。誰不樂從。故古高僧。隨所到處。每多歸依。校之王政教化。其益爲深。當明季時。王綱不振。大臣無權。其掌大權者。皆是無知無識之太監。奸惡者。倚權以作弊。愿謹者。無智以設法。故致民困國危。無可救藥。憨山。紫柏。蓮池。妙峯。同于此時。出興于世。其陰翼治道。冥庀民生也。大矣。憨山以弘法遭誣。謫戍廣州。其救粵人而延社稷也。深且遠矣。使憨山不戍廣州。廣州之民。早已挺而走險。爲國家憂。其撒探船定民變。和欽州等大事。均以一席話而了之。非乘願示生救民于水火者。其孰能之。葉玉甫等諸居士。于青島立一湛山寺。其地乃憨山弘法被誣之所。念憨山之盛德。特爲排印年譜疏。俾後之閱者。有所興起云。常慙愧僧釋印光謹撰。

憨山老人年譜自敘實錄疏 卷上

東海那羅延窟侍者福善記錄

吳越開元府治弟子福徵述疏

明世宗肅皇帝嘉靖二十五年丙午●予金陵全椒縣人也。姓蔡氏。父諱彥高。母洪氏。生平愛奉觀音大士。初夢大士攜童子入門。母接而抱之。遂有娠。及誕。白衣重胞。是年十月己亥。十二日丙申。己丑時生也。父一見。母一見。

門人顓愚觀衡。作曹溪中興憨大師傳云。師諱德清。字澄印。別號憨山。母解懷。白衣重包而出。去衣洗濯。湯水異香。出家報恩寺後。一日在舍利塔前。遇一梵僧。僧曰。此小師。後日大轉法輪。口如仰月。卽佛口也。又在本寺廊下。遇一人曰。堯眉。八彩公眉。五彩有三教之任。後在五臺山。過大塔院寺。時爲頭陀。遇一僧甚偉。手拉師曰。師是大人再來。滿頭髮皆紺色。後必大作佛事。○徵按年譜。萬曆四十二年甲寅十一月。有門人悟心顓愚來省。憨山夢遊集中。有示顓愚衡禪人法語。略云。

顓愚初依五臺空印大師。聽習經論。久之。遂盡屏去。單提一念。切究本分事。萬里南詢。過曹溪。謁老人。請益。老人示以轉身一路。唯唯作禮而別。乃就居南嶽。未幾。老人亦至。禪人以病往寶慶就醫。老人歎禪門真實爲生死的學人。最難得。丙辰三月朔。風雨夜半。忽禪人冒雨衝泥而至。老人見其疾瘳。大喜。因再拈香請益。老人特示禪人身病已瘳。切不可被禪病侵。古人云。捨情易。捨法難。禪人捨身卽捨情。捨見卽捨法。情法兩忘。豈不爲大無礙解脫之人。此示幾千字。集中許可。不多屈指。宜有中興傳之作。所嫌傳中訛舛纍牘。易誤後學。蓋謁請兩次。只在一時。追隨日淺。後來未見自著年譜。故所聞異辭。關係匪小。茲以年譜爲主。參補傳中一二別聞。喫緊逸事。逸語。如盤山隱者顓末。裨益良深。其他支蔓無稽者。悉刪之。大抵禪弊。在趨宗避教。不曉憨祖與六祖。同爲宗教總持。同現曹溪肉身。同無單傳衣鉢。嗣法孫素華智旭。有初緣發心。夢中攝受之。因當世宗教合一。人也。作十八祖紀讚。以憨祖終十八祖者。並不傳衣鉢祖也。憨祖一傳。節略顓傳。正與年譜吻

合當爲私淑功臣。○肉身佛祖出世榜樣。早在母胎。歷劫勝因。非同小可。

二十六年丁未●予周歲。風疾作。幾死。母禱大士。遂許捨出家。寄名於邑之長壽寺。
因易乳名曰和尚。母二見

徵誦乳名大美。後果圓成。須知法諱德清。出自西林師翁。乃出家時所命。譜不載也。父命未易時名。亦不載。

二十七年戊申●予三歲。常獨坐。不喜與兒戲。祖父常謂曰。此兒如木椿。祖一見

徵觀究竟成就本椿。厥祖可謂具眼。

二十八年己酉●二十九年庚戌●三十年辛亥●三十一年壬子●予七歲。叔父鍾愛之。母始送予入社學。一日叔父死。停於牀。予歸。母詒之曰。汝叔睡。可呼起。乃呼數聲。媼母感痛。乃哭曰。天耶。那裏去也。予愕然疑之。問母曰。叔身在此。又往何處耶。母曰。汝叔死矣。予曰。死向甚麼處去。遂切疑之。未幾。次媼母舉一子。母往視。予隨之。見嬰兒如許大。乃問母曰。此兒從何得入媼母腹中耶。母拍一掌云。癡子。你從何入。

你娘腹中耶。又切疑之。由是死去生來之疑。不能解於懷。母三見。叔父。婦母及弟。各一見。

徵按此七歲兒。何從得此滴骨滴髓死生關頭。娘兒兩箇。當面質對如許大疑團。極奇一則現身摩耶。簇新鉗錘烹佛煉祖頂首大公案。

三十二年癸丑●予八歲。讀書寄食於隔河之親家。母誠不許回。但經月歸一次。一日回。戀母不肯去。母怒。鞭之。趕於河邊。不肯登舟。母怒。提頂髻拋於河中。不顧而回。于時祖母見之。急呼救起。送至家。母曰。此不才兒。不淹殺。留之何爲。又打逐。略無留念。予是時。私謂母心很。自是不思家。母常隔河流淚。祖母罵之。母曰。固當絕其愛。乃能讀書耳。祖母一見。母四見。

徵讀至此。一字一句。涕泗滂沱。有讀之而不涕泗者。非人類也。合十讚歎曰。慈哉。悲哉。善哉。信哉。如是。那得不婆拋子。那得不刮肉還母哉。

三十三年甲寅●予九歲。讀書於寺中。聞僧念觀音經。能救世間苦心大喜。因問僧求其本。潛讀之。卽能誦。母奉觀音大士。每燒香禮拜。予必隨之。一日謂母曰。觀音菩

薩有經一卷。母曰：不知也。予卽爲母誦一遍。母大喜曰：汝從何得此耶？誦經聲亦似老和尚。母五見

錢牧齋謙益作大明愍山大師廬山五乳峯塔銘。有云：師九歲能誦普門品。卽譜稱觀音經也。天啓丁卯南海陳迪祥與五乳弟子福善以行狀囑牧齋作塔銘。其間興復曹溪事似略聞之。宣化蕭玄圃雲舉而東遊未詳始末。與年譜迥異。今肉身。在曹溪五乳塔銘失傳信矣。採補僅可什一。○徵讀此乃曉取科名作宰官。正不煩眞實讀書。正知見作佛祖。未有不自眞實讀書始者。卽此觀音經一卷。早歲能背誦。全由讀書作緣。卽此爲母誦一遍。便能報母打逐之恩。

三十四年乙卯●予十歲。母督課甚嚴。苦之。因問母曰：讀書何爲？母曰：做官。予曰：做何等官？母曰：從小做起。有能可至宰相。予曰：做了宰相。卻何如？母曰：罷。予曰：可惜一生辛苦。到頭罷了。做他何用？我想只該做箇不能的。母曰：似你不才子。只可做挂搭僧耳。予曰：何爲挂搭僧？有甚好處？母曰：僧是佛弟子。行徧天下。自由自在。隨處有供。

予曰。做這箇恰好。母曰。只恐汝無此福耳。予曰。何以要福。母曰。世上做狀元常有。出家做佛祖豈常有耶。予曰。我有此福。恐母不能捨耳。母曰。汝有此福。我即能捨。私識之。母六見。

徵太息咄咄。母子團圓。作無生話。開示恁地明。指引恁地闊。機鋒恁地緊。承當恁地捷。十歲金陵。母捨子肉身。七十八歲曹溪。子肉身報母的。的大因緣。大奇特。

三十五年丙辰。予十一歲。偶見行腳僧數人。肩擔瓢笠而來。予問母。此甚麼人耶。母曰。挂搭僧也。予私喜。視之。僧至。放擔倚樹。乃問訊化齋。母曰。請坐。急烹茶具齋飯。甚恭敬。食罷。衆僧起。即荷擔。隻手一舉。母急避之曰。勿謝。僧徑去。予曰。僧何無禮。飯齋不謝。母曰。謝則無福矣。予私曰。是僧之所以高也。切念之。遂發出家之志。苦無方便路耳。母七見

徵看薰地飯僧。了無蹤迹。許大公案。趙州勘臺山婆子。不是過也。人知飯僧功德。爲世福。是母是子。乃證兩足尊之福。○以上了在家公案。